


'Nmu'ji'j Telwisit Waspu




'Nmu'ji'j Telwisit Waspu

Revised by Listuguj Education,
Training and Employment 2021

'Nmu'ji'j Telwisit Waspu






Te'sigisg'g ula 'nmu'ji'j telwisit
Waspu pemigwet, pempittaqsit
gatu mu pempitoqsigw. Ta'n
wetagutg mu pitoqsulti'gw.
Ge's pemigwej aqq pempitoqiej,
Waspu pugwelg ta'n goqwei
gegina'masit. 'St'ge' gegina'masit
me' gelu'lg i'mn ugtiga'taqang aqq
'sqoljig tle'g sisgua'qamigtug
aqq 'nmu'ji'jg mu wije'wawi'tiss.




Gegina'masit putuatas'gl na
gisipastesgl.




Pastesgl.





Waspu app gegina'masit mu
ge'gupa'sin mutputigtug aqq mu
ugsua'tuan wen piluei wilu aqq
igtigl pilue'l ta'n goqwe'l.




Gujmug eig'p ta'n wenn Waspu
getu'nmiatl, getu'nmiapnn gajuewjl
gatu ugta'papi'ml enqalt'pnn.




Glapis newte'jgeg na'gwe'g Waspu
we'jiapnn gajuewjl lamuguomg,
elisinnitl mutputigtug. Ta'n tujiw
Waspu gigja'sij na gajuewj
ge'gupiwnaqiet patawtigtug.
Waspu siawgigja'sit glapis na
gajuewj taqmatl ugs'tuaqaneg.
Waspu smtug wegilalatl.




Na gajuewj ge'gupiwnaqiet
tuo'p'tigtug aqq Waspu mu
gisitepnagul.




Ta'n tujiw mijjultimgeg na gajuewj getu'gmutmapnn. Na gajuewj app ge'gupiwnaqiet tuo'p'tigtug aqq app Waspu mu gisitepnagul. Ta'n tujiw Waspu ijga' getu'npa'ji'jiteg, we'jiatl ula gajuewjl etlapalsinnitl ta'n negm i'tlinpaj.





Smtug wegilalatl aqq app
gajuewj ge'gupiwnaqiet tuo'p'tigtug.
Gi's app Waspu mu gisitepnagul.
Na nesuguna'q Waspu wetme'g
altesguatl ula gajuewjl. Pas'g
na negm apjiw ge'gupiwnaqiet
na'tami esp'teg. Na ne'wowe
na'gweg, Waspu so'qotesguatl
ula gajuewjl ge'gwe'g aqq
piscutesguatl etlne'p'timg.




Pas'g na mu gisiwe'jiagul 'lpa tami.




Na negm apatnisa'sit epune'g.




Elgwiluatl mutputigtug, mu
eimnnigul. Elgwiluatl tuo'p'tigtug,
mu eimnnigul. Elgwiluatl 'ms't tami
pas'g na 'lpa mu gisiwe'jiagul tami
lamuguomg.




Waspu musualatl aqq siwe'g.
Mu gajuewjl eimnnigul ta'n
ugs'tuaqaneg 'tqamgutał.
Mu gajuewjl eimnnigul ta'n
gmutmgutał wılu. Mu
gajuewjl eimnnigul ta'n
ugsua'tagutew ta'n i'tlinpaj.
Mu gajuewjl eimnnigul ta'n
altesguatal. Waspu musualatl
gajuewjl.



Na ta'n tujiw getu'mijjultimgeg.
Waspu nutuatl ula gajuewjl
etltaquennitl aqq nemiatl.





Na tujiw Waspu geitoq aqq
gajuewj geitoq ula 'nmu'ji'j telwisit
Waspu welta'sit gajuewj
apsgwa'sinnij.

